

VALACHIA.
Regio & unde
dicta.

Situs.

Soli fertilitas.
Animalium
varietas.
Opida.
Flumina.

SERVIA.

Urbes.

BULGARIA.
& unde dicta.
situs & soli
qualitas.
Urbes.

VALACHIA a *Flaccis* Quiritum gente appellationem habet. Romani enim Getis superatis & deletis, *Flacci* cujusdam ductu eo Coloniam deduxere, unde primum *Flaccia*, deinde corrupta voce *Valachia* dicta. Hæc etiam Transalpini nominis originem ex re sortita est. Alpibus enim & montibus continuis, & his quidem altissimis, ab Hungaria & eius potissima Transilvania parte, nemorosisque pascuis amœnisque intervenientibus Silvis dividitur & terminatur. Habet autem ab Ortu piscosum Lacum, quem Hierasus amnis incolis *Pruth*, efficit: ad Meridiem vergit terminata Danubio, atque item ab Occasu Transilvaniæ fines attingens, ad Opidum Severinum, ubi Trajani pontis admirabiles pilæ xxxi v visuntur. Ad Septentrionem autem finitur *Hoina*, ignobili flumine, & directis terrestribus terminis ad Istrum, curvata admodum regionis fronte contra *Paucem Insulam*, antiquis Scriptoribus notam, quam hodie *Barikanam* dicunt. *Valachia* autem, licet altissimis sit innexa montibus, nihil tamen ei deesse comperitur, quod usui humano necessarium videri possit. Adhæc dives Auri, Argenti, Ferrique ac Salis fodinis. Nec Vineæ desunt: nec varij generis Animalia; inprimis Equos alit insignes Asturcones optimos, aliosque magna copia. Hic *Ternovizza* Opidum Vayvoda sedes est. Alia opida sunt *Braila* & *Trescortum*, non longe a quo effoditur bituminis species, ex quo sicut ex cera optimæ candelæ conficiuntur. Reliqua huius regionis per Pagos & Villas habitantur. Flumina sunt *Hierasus*, Incolis *Pruth*, *Hoina*, *Danubius*, alia.

SERVIA, *Mæsia Superior* Lazio, regio inter Bosniam & Bulgariam. Hanc antiquam *triballorum* regionem esse multi putant. Et hi quidem populi huc ex Septentrione, debilitatis Imperij Rom. Græcique viribus, commigrarunt. *Dardanos* *Serviam* & *Rasciam* habitasse, scribunt Cuspinianus & Volaterranus. Regia *Servia* Vrbs fuit *Sinderovia*, quam alij *Spenderoben*, & alij *Simandriam*, vel *Semendriā*, Turcæ *Semender*, Hungari *Zendrew* vocant, quæ quidem non procul a Belgrado ad Danubij ripas jacet, & capta fuit ab Amurathe Turcarum Imp. anno cccccxxxviii, & in Sangiacatum redacta sub Budensi Beglerbego. Nobilia quoque Opida sunt *Vidina*, quod Turcis *Kiratorum* appellatur, ad montem Argentatum situm, redactum in Sangiacatum Temisvarensi Beglerbego subjectum. *Novogradum* in finibus *Servia*, quod quidam perperam novum montem appellant. Arcem habet inexpugnabilem. *Mons Niger*, ubi sunt Argenti fodinæ admodum nobiles. Sunt & *Samandria* *Prisdona* patria Iustini Imp. *Stonibrigadum*, & *Belgradum* antea *Taurunum* dictum.

BULGARIA quasi *Volgaria* dicitur, quia nimirum huiusmodi populi profecti a Volga circa annum Domini cclxvi hanc regionem occuparunt. Hanc quidam esse Veterum *Mæsiæ Inferiorem* putant. Iacet inter *Serviam*, *Romaniam* ac *Danubium*. Regio magna ex parte montibus, aspera, & juxta dorsum *Hæmi* montis producta modo versus *Danubium*, modo versus *Romaniam*: unde media ipsa regio asperior est: decliviora loca silvis obsita sunt & Solitudinibus occupata. Metropolis hic *sophia*, quam Pt. *tribiscum* Opidum,